



## SAOPĆENJE ZA ŠTAMPU

Objavljeno u ponedjeljak, 2. juna 2003.

# OBAVIJEST O JAVNOJ RASPRAVI

U **srijedu, 4. juna 2003. godine u 9:00 sati**, Dom za ljudska prava za Bosnu i Hercegovinu održaće javnu raspravu u Sarajevu u sali Kantonalnog suda, Šenoina 1, o prihvatljivosti i meritumu u predmetu br. CH/98/420, CH/98/451, CH/98/464, CH/00/5893, CH/01/8440, CH/02/9315, i CH/02/9852 *Azra KUGIĆ i drugi protiv Bosne i Hercegovine i Republike Srpske*.

### **Činjenice**

Predmeti *CH/98/420 i dr., Azra Kugić i drugi protiv Bosne i Hercegovine i Republike Srpske*, koji su trenutno pred Domom, odnose se na žalbene navode osoba koje su prije oružanog sukoba u Bosni i Hercegovini položili svoja devizna sredstva radi štednje na račune u filijalama raznih banaka (npr. Ljubljanske Banke d.d., Privredne Banke Sarajevo d.d.) koje su se nalazile na području koje sada pripada Republici Srpskoj. Podnosioci prijave, koji ne mogu da povuku svoj novac sa ovih računa, žale se da sadašnji zakonski okvir u Republici Srpskoj koji se odnosi na "staru deviznu štednju" krši njihovo pravo na imovinu, zaštićeno Sporazumom o ljudskim pravima (Aneks 6 Dejtonskog mirovnog sporazuma).

### **Navodne povrede ljudskih prava**

Podnosioci prijave pokreću pitanja u odnosu na prava podnosilaca prijave na zaštitu imovine (član 1 Protokola br. 1 uz Evropsku konvenciju o ljudskim pravima).

### **Procedura na raspravi**

Strane će na javnoj raspravi izvršiti usmenu prezentaciju, nakon čega će Predsjednica Doma voditi dalju proceduru. Pored strana, Dom je pozvao i jednog stručnog svjedoka, prof. dr. Dragoljuba Stojanova s Ekonomskog fakulteta Univerziteta u Sarajevu, te predstavnike Direkcije za privatizaciju Republike Srpske i Udruženja građana stare devizne štednje Republike Srpske da učestvuju na raspravi.

Rasprava će se moći pratiti na domaćem i engleskom jeziku.